



UNIVERSITÄTS-
BIBLIOTHEK
PADERBORN

**De Vita Et Rebus Gestis Christophori Bernardi Episcopi Et
Principis Monasteriensis Decas**

Alpen, Johann von

Coesfeldiae, 1694

9. Electi Natales. Majores. Virtutes. Labores.

[urn:nbn:de:hbz:466:1-68495](#)

tacitus emittebat) inde post decantatum solenne gratiarum carmen ad Palatium Episcopale omnes deducunt, uno dempto Mallingcrotio, qui & hoc officij, & contra quam oportebat, proclamare Electum recusavit. At evulgata mox electio, mirum dictu, quâ non urbis ac populi acclamatione, plausuq; excepta sit. Et sanè Monasteriensibus ex repulsâ Decani ob continuas illi cum urbe simultates, privata supra communem lætitia erat, tam sibi gratulantibus de Mallingcrotio ab Electoribus repudiato, quam Electo ex mente, votoq; Civitatis *Christophoro Bernardo*; quem & virtutum insitarum fiduciâ jam tum *Patrem Patriæ* ultrò prædicabant. Mihi verò priusquam nunc res ab eo posthæc gestas memorare progrediar, libet hîc de Principe coties dicendo præfari aliqua, orumque, educationem ac reliquam illius vitam ante Principatus initia cursim denarrare.

Natus est *Christophorus Bernardus Ejusnam* Anno supra Millesimum sexcentesimo sexto, tales. Idib. Octob. in arce Gentilitiâ Bisping Dicēsis Monasteriensis. Patre *Theodorico* ex pervetustâ Baronum de Galen familiâ, Curlandiæ ac Semigallia Archi-Marescallo, Dynasta in Lutzen, Curtzen, Bisping & *Parens.* Roemberg, viro docto juzta ac prudente, nec belli inglorio. Qui sub *Alexandro*

B

Parmensi

*Magni
populi
plausu.*

1650.

Parmensi Belgum moderante, militiae rudiimenta posuit; florentemque in Hispanorum Castris etate in integras octo annos gloriouse traduxit, ob egregiam virtutem ab eodem Archistratego, & gladio militari, & equestrium lauream donatus. In Curlandiam exinde redux, uti paternae virtutis, ita & bonorum haeres, in Archimare scallatus dignitate, quae a Duce tertia erat, ac reliquis Dynastijs de mortuo Parenti successit; zeloque Catholicæ Religionis exardescens nihil antiquius habuit, quam ut Orthodoxis eam in istâ Provinciâ restauraret. Subinde Westphaliam relegenti cum vicino Barone de Morrien Marescallo Monasterieni, quod is venationem turbasset & ex venaticis Theodorici adhuc molossum attineret, acre dissidium, at fatale Morrieno fuit. Monasterij namque, cum una Comitium frequentant, & forte fortuitò in ambitu areæ Cathedralis alteri occurrit, ex causâ repetiti canis manus conseruntur, dumque colluctantes stricto utrinque ferro se petunt, transverbatus inter haec Morrienus cadit. Theodoricus ut defensorem se sui, aggressorem Morrienum probaret, dissimulata fugâ ultrò se judicio sifit, sed post motam causam, & acerrimè diu agitatam, per sententiam Judicis absolvî demum & pristino gloriiosius restitui meruit. Posthaec in Comitiis,

1650.

mitiis, ut ante, frequens, in Commissionibus publicis ac Legionibus Patriæ persæpè adhibitus, & quidem in postremâ, quam tempore Ferdinandi Archi-Episcopi ex tribus Ordinibus adornatam, pro acquirendo Lingensi territorio, cum Mallingcrotio Decano Comitis-Hagam sumptuosè instituerunt Monasterienses, ipse cum *Barone de Velen* ex Nobilitate deletus fuit. Haud diù post in Curlandiam regressus, nec minus Religione, quam auctoritate quotidie clarior, felicissimâ tandem morte in arce suâ *Lutzen* vitam senex finivit, relictis ex Illustri pariter Conjuge *Catharinâ ab Hörde de Ehringer-velde*, filiabus binis, *Catharinâ Arnoldo de Schilder Neuhusano satrapæ*, antiquissimâ Nobilitatis viro nuptâ, & *Hedwige* postea Collegij Canonicarum Borghorstani Abbatissâ; totidemque filiis *Henrico* Dynastâ in Assen, Satrapâ Vechtensi, & hoc de quo loquor, *Christophoro Bernardo* natu maximo. Ayum habuit ejusdem cum parente nominis *Theodoricum*, ab Ordine Teutonico, ob belli peritiam & fortitudinem *ex seculari Nobilitate* evocatum, creatumq; in Livoniâ militiæ Ducem. Qui, postquam fortiter rem bellicam gessit, ab eodem Ordine post Archi-Marescallatum, binis arcibus Lutzen & Curtzen cum amplâ terrarum possessione

Mater.

Avus.

B 2 in

1650.

*Pro-Patrius.**Avia.**Indoles.**Studio.*

in Curlandiâ donatus est. Pro-Patruus major *Henricus de Galen* Anno salutis M.D.LI. supremus istius Ordinis in Livoniâ Magister & Sacri Romani Imperij Princeps, dignitatem hanc suam laudabiliter implevit. Is bello Ordinem inter & Archi-Episcopum Rigensem orto, promptâ manu *Guilielmum Marchionem Brandenburgicum & Christophorum Megapolitanum Duce*m expugnavit, captosque abduxit, nec prius alterum laxavit custodiâ, quam à Cælare & Rege Poloniarum interpellatus fœdus admitisset. Et quoniam Theodorici avi Conjux, ex *Wulfforum*, qui cognominantur *Ludinghausen* avitâ stirpe descendit, *Henrici Wulffij quadragesimi Episcopi Monasteriensis* Principatu gloriosâ, eâ sanguinis propinquitate non minus in maternâ, quam paternâ Majorum lineâ Principes numerabat. Certè ex tot Bellonæ filiis prognato, uti *Martius sanguis* deesse non poterat; ita quoq; plures aliz corporis & animi dotes jam tum in ejus pueritiâ emicabant, ut insita pietas, ingenium præcox, ac celsa indoles ad Prælulis maturitatem visa sint properare. Quo tempore Monasterij politioris litteraturæ, & in Academiis Colonensi ac Moguntinâ Philosophiæ cursum apud Patres Societatis conficiebat, is in eo effulsi virtutum splendor, ut in pietatis æquè ac liberalium artium

1650.

tiūm palæstris *Flos Nobilitatis & juven-*
tutis, passim diceretur. Et quæ in man-
suetioribus studiis, eadem in *juris sacri ac Virtu-*
civilis stadio, Lovanij Brabantiae, & Bur-
digalæ Galliarum, non sine palmariâ in-
genij, *judiciiq;* laude pariter decurso, vir-
tus continuò eluxit. *Castimoniæ nulla*
unquam obtrectatio labem illinere potuit ;
utque ejus observantiores se probaret,
qualecunq; præter modum devitabat solita-
rium sequioris sexus confortium. *Inter-*
luebat in his sobria, *addictaq; religioni*
omnis ætas. *Vix septennis Canonicatu*
Monasterensi potiebatur. *Viginti prope-* *Functio-*
modum annis Cathedralis Ecclesiæ The- *næs*.
faurarium egit, *quæ inter quinq; supremas*
Prælatorum dignitates, *una*, *nec infima*
est, *totidemq; Patriæ ex officio Consilia-*
rium : *quibus communi omnium & priva-*
to singulorum bono ita se impendit, *ut*
ipſi adhibiti toties laboris præmium Episco-
palem insulam pleriq; designarent. *Magn-*
æ viro laudi datum, *in suâ Archidiaconi*
regione, *Batavis confini*, *nullum habuisse*
Sacerdotem publicâ labe contaminatum ;
inspexisse mores singulorum, *obiisse statio-*
nes, *census fabricæ*, *Aris nitorem*, *bonos*
populis mores, *Pastoresq; impigros ani-*
mabus reddidisse. *Frequenter illum Ferdinandus Elector*, *varios ad Principes &*
excellentissimos togâ, *sagoq; Regum ac*
B 3 magno-

1650.

magnorum Principum Ministros ablegavit,
nec modico Reipubl. emolumento res ar-
duas, momentiq; maximi feliciter expedi-
vit. Eidem quoq; in Monasteriensi tran-
quillandæ Germaniæ conventu suas cen-
Leodiensium Principis vices commendavit.
Sanè difficillimis Legationibus supra virgini-
ti quinq; pro Patriæ bono defunctus est,
constantia ab ipsis hostibus æstimata, &
exitu tam prospero, ut ipsi Remp. ex par-
te conservatam non semel adscripserint.
Commendabat adhæc innata virum comi-
tas & agendi suavitas propè Angelica, quā
mirè eorum, quibuscum versabatur, grā-
tiam captabat, obsequij, dignationisque
non modicus, sed prælargus. Certè nemo
alius erat, qui sic omnibus instructus na-
turæ præsidiis, tot plurium, gravissima-
rumque rerum susceptionibus pro patria
confectis merebatur supremo Episcopatuū
clavo ad moveri. Et ita senserunt ij, penes
quos deligendi potestas erat, quibus vi-
sum exantlatos pro Patriâ fortiter labore
non alio digniore munere compensari, quam
ipso patriæ Principatu, nec ullum Diœcesi
æquè gnarum ac amantem præfici posse
quam qui publicarum rerum tractationi jam
à tanto tempore assuetus, summam in iis
administrandis prudentiam ostendisset, ac
fluctuanti inter procellas navi directricem
manum non raro applicasset.

Se

*Affabi-
litas.**Labo-
res.*